

CONDONACIÓN EXTRAORDINARIA NO PAGO DE XUROS E/OU MORATORIA NO PAGO DE PRINCIPAL CON ORIXE NO IMPACTO ECONÓMICO E SOCIAL PROVOCADO POLO COVID-19 (CORONAVIRUS) E A DECLARACIÓN DO ESTADO DE ALARMA

FAQ's

1. ¿En que consiste a medida extraordinaria?

A medida poderá afectar, a elección do solicitante (ou indistintamente no sucesivo, dos solicitantes), aos seguintes aspectos:

- Ao pago de xuros correspondente ao primeiro trimestre do ano 2020: ditos xuros serán condonados, ao ser calculados cun tipo de xuro do 0%, polo que resultarán nulos durante todo o citado trimestre.
- Ao pago de cuotas de principal que teñan unha liquidación pagadoira entre o período entre o 31 de marzo de 2020 e o 29 de xuño de 2020 (ambos días inclusive): ditas cuotas serán pospostas ate o final do calendario de amortización previamente existente, de tal forma que constituirían novas cuotas posteriores.
- A ámbalas dúas opcións previas: xuros + principal.

Polo tanto, durante o primeiro trimestre do ano 2020 os xuros ocasionados polos préstamos serán de cero euros (0€). Dita condonación unicamente corresponde ao primeiro trimestre, retornándose á normalidade de cálculo a partir do día 1 de abril de 2020.

Como exemplo en relación do principal, no caso de ter orixinalmente as seguintes cuotas de liquidación de principal establecidas:

- a) 100 euros de principal no día 31 de marzo de 2020:
- b) 100 euros de principal no día 30 de abril de 2020:
- c) 100 euros de principal no día 31 de maio de 2020:
- d) 100 euros de principal no día 30 de xuño de 2020:

As coutas a), b) e c) serán pospostas, constituíndo tres novas coutas posteriores ao calendario de amortización orixinal. A cuota d) non estaría afectada pola medida extraordinaria, e mantén o calendario orixinal, polo que corresponderá afrontalo seu pago o día 30 de xuño de 2020.

2. ¿A quen vai dirixida a medida extraordinaria?

A solicitude é voluntaria, e está dirixida unicamente a entidades mercantís financiadas previamente que sufriron un impacto significativo e demostrable provocado polo covid-19 (coronavirus) e a declaración do estado de alarma.

3. ¿Que se considera un impacto significativo e demostrable?

Os impactos deberán ser significativos, no senso de que afectan de maneira moi destacada ao normal funcionamento dos negocios e da actividade da entidade mercantil afectada, e deberán ser demostrables documentalmente mediante información contable ou financeira.

4. ¿Todo o mundo pode resultar beneficiario?

A medida extraordinaria está dirixida unicamente a entidades con operacións de préstamo cos fondos/sociedade administrados por parte de XESGALICIA, SGEIC, SAU. (isto é, con Sodiga Galicia, Sociedad de Capital Riesgo, S.A., Galicia Compite, FICC, Adiante 2000, Fondo de Capital Riesgo, en liquidación, Galicia Innova Tech, FICC e Galicia Iniciativas Emprendedoras, FICC)

Ademais, a solicitude está vinculada unicamente a operacións de préstamo (de calquera tipo: participativo, ordinario, hipotecarios, etc.). Polo tanto, non serán admitidas solicitudes en relación a débedas comerciais nin a débedas asociadas a operacións con instrumentos de capital (coma pagos aprazados, anticipos de desinvestimento, etc.).

Así mesmo, aquelas entidades que manteñan con anterioridade ao 18 de marzo de 2020 unha situación irregular non resultarán beneficiadas. Neste sentido, considerarase situación irregular a existencia posicións vencidas (en relación a xuros ou a principal) ou a falta de certificación de retencións sobre os xuros correspondentes ao exercicio anual 2018 ou de exercicios anteriores.

A medida non afectará a préstamos sometidos a acordos de homologación de pagos, convenios de acredores, preconcursos ou concursos de acredores, procesos de liquidación, ou calquera outra situación de análoga natureza xurídica derivada de problemas de liquidez.

5. ¿Se manteño algunha cantidade sen pagar pode beneficiarme?

Non.

As entidades que ao 18 de marzo de 2020 manteñen posicións vencidas con anterioridade, sexan en relación a xuros ou a principal, e independentemente do seu importe, non resultarán beneficiadas.

A medida é extraordinaria e pretende axudar a entidades que afronten dificultades económicas e financeiras xeradas como consecuencia do COVID-19 (coronavirus) e da declaración do estado de alarma, e non a situacións previas que xa orixinaban posicións irregulares.

6. ¿Se pago agora as débedas previas ao 18 de marzo de 2020 xa pode beneficiarme?

Non.

Pero resulta igualmente recomendable que se proceda a regularización de calquera débeda previa ao 18 de marzo de 2020, ademais de polos motivos evidentes de obriga contractual, porque isto permitiría que a entidade non teña posicións irregulares por débedas, o cal podería permitir acceder a outras medidas extraordinarias futuras, no caso hipotético de que foran aprobadas.

7. ¿Se manteño certificados por retencións sen entregar poden beneficiarme?

Se son unicamente certificados por retencións de xuros do ano 2019 si poderás beneficiarte (cumprindo os restantes requisitos). En calquera caso, resulta igualmente recomendable que se proceda a súa entrega a maior brevidade, ademais de polos motivos evidentes de obriga contractual e tributaria, porque isto permitiría que a entidade non teña posicións irregulares de tipo documental, o cal podería seguir permitindo acceder a outras medidas extraordinarias futuras, no caso hipotético de que foran aprobadas, e que esixiran dita remisión.

Pero se falta a certificación de importes por retencións sobre os xuros correspondentes ao ano 2018 ou de anos anteriores, e independentemente do seu importe, non poderás resultar beneficiado da moratoria.

8. ¿Se entrego agora os certificados por retencións do 2018 ou anteriores xa poden beneficiarme?

Non.

Pero resulta igualmente recomendable que se proceda a entrega a maior brevidade, ademais de polos motivos evidentes de obriga contractual e tributaria, porque isto permitiría que a entidade non teña posicións irregulares de tipo documental, o cal podería permitir acceder a outras medidas extraordinarias futuras, no caso hipotético de que foran aprobadas.

9. ¿Como se solicita a medida extraordinaria?

Deberase cumprimentar unha declaración responsable de forma veraz e íntegra. Dita declaración responsable deberá ser remitida a:

- Unha vez debidamente cumprimentada e firmada, a declaración deberá ser enviada escaneada ao enderezo de correo electrónico: xesgalicia@xesgalicia.org
- Posteriormente, e no prazo máximo de 60 días, a declaración orixinal deberá ser enviada por correo postal ao enderezo: *Rúa Ourense, 6, 15701 Santiago de Compostela.*

A declaración deberá ser enviada antes do día 3 de abril de 2020 (inclusive).

Unicamente será aceptada unha solicitude por entidade mercantil. No caso de que a entidade mercantil teña varios préstamos concedidos, a solicitude abranguerá á totalidade de préstamos.

No caso de recibir máis dunha solicitude asociada á mesma entidade mercantil, procederase a rexeitar automaticamente á segunda e posteriores, seguindo a orde de recepción no enderezo de correo electrónico.

No caso de identificar información non veraz na declaración a solicitude será rexeitada automaticamente, sen ningún outro requisito ou notificación adicional.

10. ¿Procederese a reclamar a información documental acreditativa da veracidade da declaración responsable en tódalas solicitudes?

Procederese a realizar diversas verificacións en tódalas solicitudes, pero non sempre será solicitada documentación soporte sobre todo o declarado dentro da declaración responsable.

Os documentos imprescindibles serán:

- En tódolos casos: a declaración responsable (ante do día 3 de abril, inclusive).
- A formalización, no prazo de 6 meses a contar dende a finalización do estado de alarma, da novación do préstamo (deberá ser firmado polo prestatario e polos garantes).

11. ¿Como podo saber se a miña solicitude foi aceptada?

Como calquera trimestre tódalas entidades recibirán a liquidación de xuros e principal habitual.

En caso de ter sido aceptada a solicitude, dita liquidación reflectirá automaticamente os xuros e/ou principal en consideración da medida aceptada.

No caso de non ser aceptada, a liquidación manterá a metodoloxía de cálculo previa sen alteracións.

Polo tanto, non se remitirán comunicacións adicionais de aceptación ou rexeitamento.

Dados los prazos e condicionantes expostos, o envío da habitual recibo de liquidación de préstamo será demorado ate a segunda quincena de abril, a obxecto de incluír os posibles impactos correspondentes á medida extraordinaria.

12. ¿No caso de non ser aceptada a miña solicitude podo reclamar?

Non.

A medida e o procedemento de solicitude teñen unha natureza extraordinaria, e non se tramitarán reclamacións.

13. ¿Se a miña solicitude é aceptada deberase facer algunha escritura de modificación do contrato de préstamo orixinal?

Si, en tódolos casos e para maior seguridade xurídica de todos.

Os prazos de formalización están condicionados pola tipoloxía de préstamo e pola data de finalización do estado de alarma, segundo o exposto a continuación:

- Para préstamos sen garantía e cun saldo pendente ao 18 de marzo de 2020 de importe inferior ou igual a 75.000 euros o(s) declarante(s), como persoa(s) con facultades de representación suficientes, asume(n) o firme e irrevogable compromiso de que nun prazo de 6 meses a contar dende a finalización do estado de alarma, procederase a formalizar a novación concedida nun documento privado.

- Para préstamos sen garantía e cun saldo pendente ao 18 de marzo de 2020 de importe superior a 75.000 euros o(s) declarante(s), como persoa(s) con facultades de representación suficientes, asume(n) o firme e irrevogable compromiso de que nun prazo de 6 meses a contar dende a finalización do estado de alarma, procederase a formalizar a novación mediante escritura pública.
- Para préstamos con garantía, e independentemente do saldo pendente do préstamo, o(s) declarante(s), como persoa(s) con facultades de representación suficientes, asumen(n):
i) que a solicitude unicamente será tramitada se a totalidade de garante(s) do préstamo proceden a aceptar a presente medida extraordinaria, proceden a firmar a presente declaración responsable, e se comprometen adicionalmente a asumir ii) o firme e irrevogable compromiso de que nun prazo de 6 meses a contar dende a finalización do estado de alarma, procederase a formalizar (por tódalas partes afectadas) a novación concedida mediante escritura pública.

En caso de non culminar ditos procesos de formalización contractual posterior de obrigada realización en tódolos casos, o(s) declarante(s) acepta(n) que o préstamo quedaría resolto de forma automática, sen ningún outro requisito ou notificación adicional.

14. ¿Tratarase a tódalas garantías por igual?

Si. Independentemente do tipo de garantía, sempre deberá firmar a declaración responsable un representante do garante, aceptando as condicións e comprometéndose a firmala novación mediante escritura pública.

Neste sentido, nas garantías emitidas directamente por persoas físicas ou xurídicas (por exemplo cando un préstamo está garantido pola sociedade matriz do prestartario) o garante será dita persoa.

Nas garantías correspondentes a prendas, hipotecas ou similares sobre calquera tipo de activo (por exemplo cando un préstamo está garantido pola hipoteca dunha nave industrial) o garante será o propietario de dito activo (no caso de existir máis dun propietario considerárase que tódolos propietarios son simultaneamente garantes).

No caso de que a propia prestartaria sexa a propietaria do activo (por exemplo cando un préstamo está garantido pola hipoteca dunha nave industrial que é propiedade da prestartaria) o garante será a propia prestartaria, e deberá identificase na declaración como garante de forma adicional. Polo tanto, neste caso firmaría a declaración responsable o representante da prestartaria dúas veces, en primeiro lugar como declarante/solicitante e en segundo lugar como garante (e en apartados diferentes da declaración).

15. ¿O préstamo participativo que teño formalizado ten garantías?

Non. Os préstamos participativos non teñen garantías.

16. ¿Por que quedaría resolto o préstamo en caso de non realizala formalización contractual posterior?

A modificación dun préstamo, sexa por cambio do calendario do principal, sexa por unha variación no cálculo dos xuros, ou ambas simultaneamente, supón unha modificación substancial do contrato orixinal, e resulta necesario realizar unha formalización contractual, isto é, unha “novación” que recolla os cambios. En caso de non facela xeraría un incumprimento contractual que podería prexudicar a tódalas partes implicadas no contrato orixinal, ao prestartario, ao prestamista e ao posible garante.

17. ¿Podo empregar sinaturas electrónicas na declaración responsable?

As sinaturas electrónicas avanzadas serán aceptadas.

Considérase como “sinatura electrónica avanzada” aquela que permite identificar ao asinante e detectar calquera cambio ulterior dos datos asinados, que está vinculada ao firmante de maneira única e aos datos aos que se refire e que foi creada por medios que o asinante pode manter baixo o seu exclusivo control.